



BORGU FU HEIMEL

Les 7 fu 14 Febrewari 2026



"No frede no
wan sani, ma ini
alasani, nanga
begi nanga aksi,
nanga tangi ,
meki yu Gado
sabi san yu e
aksi."

Filipi. 4:6

Ini den brifi fu en, Pawles e meki en krin dati wi a no borgu fu a grontapu disi. Te wi teki Yeises leki wi ferlusuman,wi kon gebore baka. Nanga a nyun gebore baka,wi e tron borgu fu heimel.

Ala di wi e respekti , wi e saka wi srefi gi den kebot nanga fasi fu grontapu, a fasi fa wi e libi fu tru,moro bradi,moro hei na yeye fasi.



⇒ **Heimel borgu:**

- ➡ Du leki den di getrow .(Filipi 3:17-19)
- ➡ Hondro proSENTi borgu (Filipi 3:20,21)

⇒ **Teleki wi doro drape:**

- ➡ De wan, owktu prisiri (Filipi 4:1-6)
- ➡ Krin denki (Filipi 4:7-9)
- ➡ Satesfaksi (Filipi 4:10-13,19)



BORGU FU HEIMEL

DU LEKI DEN DI GETROW

"Moksi makandra fu teki mi eksempre, brada nanga sisa e'n di yu abi wi leki model, hori yu ai tapu den di e libi leki wi." (Filipi 3:17)


Wi ala abi sma di, wan sortu fasi, seti wi libi noso wi denki. Kande wan sma di e meki moi sani, wan man di e lon, wan sma di e meki puku, noso singi. Kande wan domri, wan getrow brada noso sisa.



Den sma disi yepi yu fu gro leki libisma noso tyari yu na pasi di wi noiti ben sa musu proberi?

Pawles e kari wi fu du leki den di e opo wi fu go moro hei, owktu e kraka wi fu duen moro bun. (Filipi 3:17) Ai warskow wi dati ondro bribisma srefi, sma de di no de warti fu waka na den baka. (Filipi 3:18, 19).

San na a ferskel ? Son wan e prakseri soso Grontapu sani, trawan poti den denki soso tapu Yeises. Sma di de bun model, fu den sei e du leki Krestes. (1 Kor. 11:1).



HONDRO PROSENTI BORGU

"Ma wi na borgu fu heimel.owktu wi e ferwakti a Ferlusuman fu drape,Masra Yeises Krestes." (Filipi 3:20)



Wi no man du trafasi. Wi leki kresten abi wan problema, dobru borgu. Wi na borgu fu dya nanga heimel. Disi e tya seriusu problema gi wi. (Roma 7:22,23).

Oten wi sa kisi hondro proSENTi borgu.? Te wi no sa de borgu moro fu a sondu grontapu disi ? Na a tweide kon. (Filipi 3:20).

Te wi opo baka (noso frander),te.dede no abi makti na wi tapu. San sa psa?



Wi sa abi wan libi skin e'n wi eigi ai sa si Gado. (Yop 19:25-27)

Wi skin sa de yeye,sondro dede,a no sa pori (1 Kor.15:42-44,50-54)

Wi sa kisi glori (Kol. 3:4;Filipi 3:21)

TELEKI WI DORO DRAPE

DE WAN ,OWKTU PRISIRI

"Prisiri alaten ini Masra. Mi e taki agen:Prisiri !" (Filipi 4:4)


Di Pawles e tapu a brifi ai moksi wan tu sani fu en nanga rai fu aladei. Ai aksi Sisigus (wan getrow kompe) nanga Klemen fu yepi Eyudia nanga Sintise fu libi leki wan. Ala den di ben e wroko makandra nanga Pawles a taigi: suma nen skrifi ini a buku fu libi"(Filipi 4:2,3).



A rai di e kon na baka kan dangra wi:" Prisiri na alaten [...] No meki noti frede yu"(Filipi 4:4,6) Fa dati kan ini wan grontapu di furu nanga problema nanga sani di e muilek wi?

Disi kan, bika wi prisiri de" ini Masra "(Filipi 4:4a) Wi e fringi san e frede wi go na En, nanga fertrow dati En kan tyari den gi wi (Mat.6:31-34;1 Peitr.5:7).


Dan fa wi e fringi san e frede wi go na Yeises ? Nanga begi (Filipi 4:6).



KRIN DENKI

"Tefu kba,brada nang sisa,san tru,san abi hei maniri,san de reti,san krin,san moi, san e hari yu fu abi respekti- efu a bun te, noso dati yu kan prijse - denki den sani dati." (Filipi 4:8)

A kba fu a tori fu fringi san e frede yu na Yeises nanga prisiri na freide(Filipo 4:7) Wan freide di grontapu no man gi noso puru.(Yoh.14:27;16:33).



A freide disi ,fu san Pawles e taki, sa skoto wi – wan waktiman – fu san wi e firi nanga denki (Filipi 4:7b) Fu a waktiman disi wroko bun,sortu sani wi musu prakseri (Filipi 4:8)?

Fu poti en na wan : “ Efu a abi warti,efu a abi wan sani fu prijse fu tru ,denki den sani dati.”(Filipi 4:8b).



SATESFAKSI

"E'n mi Gado sa sorgu fu ala yu nowtu,soleki a gudu fu En glori de ini Krestes Yeises." (Filipi 4:19)

Wi breiti; noti no e gi wi problema ; wi abi freide;wi denki krin. Wi abi wan perfekti libi di e gi wi satefaksi ... na so a de?

Kande ai go wi bun; wi kan abi nowtu nanga problema. Efu leki Pawles wi abi ala dyaranti dati Gado e tya wi libi,wi sa tan abi a fertrow ini En, a was san e psa. (Filipi. 4:11,12,19).



Leki Agur,wi e fertrow dati Gado no sa gi wi moro furu noso moro pikinso dan san bun gi wi.(Leri 30:8,9).

Te wi e libi nanga a fertrow disi,wi de seiker dati “ mi kan du ala sani tangi fu En di e gi mi krakti" (Filipi 4:13).



SATESFAKSI

"Ma mi Gado sa sorgu ini ala yu nowtu,nanga den gudu fu en glori ini Krestes Yeises" (Filipi 4:19)

San e psa te wi no abi san wi e denki wi abi fanowdu?

Meki wi aksi Masra dati e'n efu a de En wani,A sa gi wi (Yak.4:2b ;1 Yoh.5:14,15).

Wi no sabi na alaten efu san wi e aksi e agri nanga En wani, ma wan tu aksi de dati alaten e agri nanga en wani,dati wi kan de seiker:



Sargi libi gi wan di wi lobi noso wan mati(1 Tim.2:3,4)

Dekati fu prati wi bribi(Kon krin 22:17)

Pardon te wi belij e'n libi a kрукtu du(1 Yoh.1:9)

Krakti fu gi yesi na den kebot fu Gado.(Hebr.13:20,21)

Lobi gi den di e teige wi e'n no e du bun nanga wi.(Mat.5:44)

Koni fu sani di e dangra wi.(Yak.1:5)

Fu ferstan a tru ini Gado Wortu.(Yoh.8:32)

“Wi musu libi gi a grontapu di e kon. Na wan takru sani fu libi wan somar libi,sondro yu sabi pe yu e go. Wi wani wan libi di abi wan marki – sobu pe yu sabi pe yu e go. Meki Gado yepi wi ala fu de wan ofrandi fu wi srefi, meki wi no suku bun gi wi srefi wawan,meki wi fergiti wi srefi nanga san abi warti ini wi ai: fu du bun,no fu kisi grani di wi e ferwakti dyaso,ma bika dati na a marki fu wi libi,dati sa piki na a kba fu wi libi.”

EGW (Our High Calling, August 24)